



G 1046 *London 207f.*

Paris: Thomas Munzer (Nr. 21)

Hans Sachs (Nr. 23)

Georgs-B.



X

458

Ob Fak.?

34

in 1482 1. am Court

Verordnung so Herzogk Ernst Churfurst vñ hertzog Albrecht zu Sachsen gebruder ꝛc. von wegen mächerley gebrechen inn Landen Auffgericht.

1482

isten Blue
ren yhre

an sunst
auch das
die Tho
rnemb o
/ Auch

die Th
s hab er
icht wol
eschehen
en / zum

strenger
en. Vnd
t/einem
ligend)
vest/das

/ das er
sey gut

n streng
rag des

Faint, illegible text, likely bleed-through from the reverse side of the page.

A

Als
Ste
Wi
in g
das
mess
Ste
ner
Kost
les i
mas
sted
tzen
ren/
dure
land
han
ten/
auch
Kom
geru
chen
yne d
mac



W

On gots gnaden wir Ernst/
des heyligē Romischen Reiz
chs / Ertzmarschalch Eburz
furst/vnd Albrecht gebrüder
Hertzogen zu sachssen/ Lād
graffen in Düringen / vñnd
Margkgraffen tzu Meyssen/
Bekennen in dyesen vnsern
offen schrifften vñ satzungen

Als von den prelaten Herren Ritterschafft vnd
Stedten vnser lande / viel clage an vns gelanget /
Wie vnser vnd yre vndertan / In vnsern landen/
in grossen fall / abnemen vnd vorderben stunden/
das sich alles aus der schweren Muntz / des vn:
messigen grossen gesunds / der wergklewte / als
Steinmetzen / Mewrer / Lzimmerlewth / gemez
ner vnd tegelicher arbeyter / lon / aus vberflussiger
kost an essen vnd getrenck vnd fleydunge / das ala
les in vnsern landen vnter allen Stenden vber die
mass / vñ vnordenlich gebraucht / vsachte / vñ die
stedte / das in yre Burgerlicher handel / als Mel
tzen / Brawen vñ bicruorkanffens / des sie sich ne
ren / vñ der groste teyl yrer narüg / darauß stunde /
durch etzlich Prelaten / vnd des Adels / in vnsern
landen / die sich des angenommen / Auch durch die
handwercker / so von yne auff den dorffern gehal
ten / berawbt wurden / das doch nicht seyn / yne
auch nicht zustunde / vnd vor alter also nicht her
komen were / vnd vns darauß demutiglichen an
geruffen / vnd fleyßigk gebeten / Das wir in die sa:
chen alle sehen / die genedigklich betrachten / vnd
yne die alle / aus vñ durch vnser Furstlich gewalt /
macht / vnd satzung / benemen / vnd dy alle vñ itz

vsachen des
abnemens der
Lande.

petitto.

A ij

lichs

lichs yn sunderheyt in ander vnd bequemer weyße
zuorden/vnd zusetzen/da durch solch schwerheyt/
vno dentliche weyße/vnd das vorderben/das der
halben vnter dem gemeynen volck vorhaden were
vorkomen wurd /vñ wir solche clag gebrechen vñ
abnemen / der vnsern / mit beschwertem gemüte
vornomen / vnd doch newekeyt vor zunemen vnd
satzung zutun schwere sind/So wir aber bedacht
das vns die sorgfeldigkeyt vnser land auffgeleget/
vnd das wir die vnsern / in billichen vnd notturff-
tigen sachen zuerhören schuldig / vñ yne yre besch-
werung zubenemen/das böse schedelich vñ vntreg-
lich vnd vngleycheyt/in gut nutzlichs tregenlichs
gleich vnd billichs / wo wir das gethun können /
nach vnserm vormogen / allewege zu wandeln vñ
zuuorfugen geneygt sindt / vnd wiewol wir wissen
das wir mit voranderung böses wesens vnd satz-
ung ordenlicher vñ nutzbar dinge / von vñ bey den
vnuorstendigen leichtuertigen / vnd die in yren ey-
gen/vor den gemeynen nutz vorblendet / viel argt-
wan vñ nachrede machen/das wir vns aber nicht
vorhyndern/sundern vns auff anruffen demütige
vñ fleysige bete/der vnsern / die an zweyuel zu vns
ser vñ alle vnser land vñ vnser vnderthane / Ern/be-
sts vñ zu gemeynen nutz zufürdern geneyget sind /
als wir die allezeit Emsigk vnd fleysigk erkant/
So haben wir vns angenohmen/in den obgerur-
ten/vñ andern stucken/aus vnser Ifurstlichen mas-
cht vnd gewalt ordnung vnd satzung tzuthun/
Thun die auch/aus vnser Ifurstlichen macht vnd
gewalt/wollen vnd gebieten/das die von allen vns-
fern vnderthanen angenohmen / stete veste vñ vns
vorbrochen sollen gehalten werde / bey den penen
so dorauß

so do
penen
vorn

ger A
sind/
gar e
grosc
Ifurst
chffer
graff
laten
vnser
chtig
vnd v
vñ ga
alden
ser vñ
sere s
cht v
land

vnser
havo
fern l
teuff
Bese
men v
moge
Bra
geyst
ausg

so dorauß gefatzt findt / vnd also die gesetzze vnd
pene dorauß itzlichs in seinem Artickel hernach
vornohmen wirdet.

Vnd als wir von den vnsern / vmb eyn gerin-
ger Muntz zumachen lassen / vnd zusetzen gebetten ^{Muntz.}
sind / vnd wir betracht / Das wir in vnsern landen
gar eyn lobliche wirdige Muntz / an den Sylbern
groschen haben / die wir mit dem Hochgepomen
Fürsten / Herrn Wilhelmen / Hertzogen tzu Sas-
chssen / Landtgraffen in Düringen / vnd Margk-
graffen zu Meissen / vnsern lieben vettern / den pre-
latten Braffen Herrn der Ritterschafft / vnd stedte
vnsere beyderseyt landen zeytigem Räte / wolbede-
chtighen vorgevornen / die ausgesatzt / mache
vnd vor eyne gantze rechte haupt were / ausgehen
vñ ganckhafftig werden lassen / Als sich auch von
aldem herkommen / vnd auffatzung der Muntz / die
vnsere lande gepurdt / vñ recht ist / die selben vn-
sere silberyn groschen / wir an schrott vnd Korn / ni-
cht vorandern vnd die allezeyt / vor vnser vnd vnser
lande rechte muntz vnd haupt were habē wollen.

Darumb setzen vñ orden wir / das dieselben
vnsere silberyn groschen / vnsere rechte muntz vnd
haupt were bleyben / vñ das sie eyn ytlicher in vn-
sern landen dar vorhalten / haben / vñ in allen Erb-
teuffen / Auch mit gebung vnd nemen der Zins /
Beschosse / Zolle / geleyte vñ allen andern eynkom-
men vnd fellen / wie die namen haben / ader genent
mogen werden / So wir ander Fürsten / prelaten /
Braffen / Herren / die Ritterschafft vnd Stedte
geystlich vñ werntlich / in vnsern landen nyemāds
ausgeschlossen gebrauchen sollen.

A iij So aber

So aber eynem yedem vñ dem gemeynē Man
ymb vnd mit solchen groschen teglich/vñ die ent-
scheydung/so an groschen/ pfenning/ vñ hellern
darauff geschlagen/ sind alle stunden vnd ymb al-
len gemeynen handel/als in speystauffe vnd aller
ander ware vñ kauffmans handel / auch gesinde/
der wercklewte/vnd gemeyner tag arbeyter lone zu
schwere seyn / vnd das einem yedem nach seynem
stande vnd wesen / gleich vnd ordenlich gemacht /
das sich des ein ytzlicher in teglichen keuffen vnd
vorkeuffen/auch noch seinem dienst/die wercklew-
te vnd arbeyter ytzlicher nach seynem stande seyn
lohn zusuchen vnd zufürdern/ Der herr vnd baw-
man seinem gesinde vnd wercklewten/ vnd gemey-
nen arbeytern zugeben wisse/ So haben wir zu ent-
scheydung derselben vnser rechtē muntz vñ haupt
were/an groschen an pfennigen vnd hellern/ ein
nawe geringer entscheydung machen / die wir ytz
ausgehen lassen / die ein ytzlicher in vnsern landen
was stands wurden ader wesens der ist / vor eine
entscheydung/ vnser rechten vnd ober muntz ha-
den vnd haben / vnd die sust in allen hendeln in teg-
lichen keuffen vnd vorkeuffen/ymb alle war/in als
ler zerung/ allem gesind/wercklewten vnd gemey-
ner arbeiter lone/vor eine rechte gebreuchliche we-
re haben vñ halten/vñ die nawen groschen/pfens-
ning vnd heller/die wir ytz zu einer entscheydung
der rechten muntz haben schlafen/vñ ytz ausge-
hen lassen/sollen die groschen virtzig eynen Rey-
schen gulden/ vnd zwen einen silbern groschen gel-
den / Die nawen pfenning sollen zwolff einen sil-
beryn groschen / vnd sechs eynen nawen groschen
gelden/ vnd vier nawe pfenning / drey alde vnser
nechst

nech
en he
grosc
vnd v
gen a
vnger
mit d
ortter
die la
burg
greni
ser vo
vnd s
eyne
Des
hand
vnd g
not se
nand
man
vnd s
der Y
eylff
heller
en pf
geben

fft/d
zeyt h
meyn
geha
gewe
em/g

nechstgeschlagen pfenning vorgleichē / Die nawen
en heller / der sollen vierundzwentzig eyn silbern
groschen / vnd zwolff ein nawen groschen gelden /
vnd vier nawe heller sollen drey der nechst geschla-
gen alden heller vorgleichen / vnd die allezeyt also
vngewegert dar vor gegeben / genohmen / vnd eins
mit dem andern vorgleicht werden / vnd so in viel
orttern vnser lande / die an die kron zu Behmen /
die land darzu gehōn / Die margk zu Branden-
burgk / den stift zu Magdeburgk vnd andere land
grenitzen / do die Behemischen groschen / vnd vn-
ser vorgeschlagene muntz / als die mittelgroschen
vnd schwert groschen gangkhafftig seyn / die man
eyne zeyt in vnsern landen / nicht hat nemen sollen /
Deshalben vnter dem volck / so die merckt vñ den
handel suchen / der bezalung halbē oftmals irrung
vnd gebrechen entstanden / das solchs nicht meher
not sey / vnd die lewt yren handel destebas miteyn
inander gehabē mögen / So vorwilligen wir / das
man die Behmischen groschen / die mittel groschē
vnd schwert groschen auch nemen soll / Nemlich
der Behmischen / der mittel groschen / eynen vor
eylff nawe pfennige vnd zwenundzwentzig nawe
heller / den schwert groschē vmb sechsthalben naw
en pfennig / vnd vor eylff newe heller nemen vnd
geben.

Vnd so die Prelaten die Herren Ritterschaz
afft / die in Stedten / vnd der bawers Man / lange
zeyt her / des gesinds der wergkewte / vnd aller ge-
meyner hantarbeytter lons / grosse beschwerung
gehapt / das sie auch selbst vntereynander vrsache
gewest / in dem das eyner vor dem andern gleich-
em / gesinde wergkleuten vnd gemeynen arbeytern
meher

Fremde
Muntze.

Gesindes lo-
hn.
Wergkewte
lohn.
Hantarbeyter
lohn.

meher lone/vnd besser kost / dann der ander gegeben / zuuor aus in den stetten / dar durch eyner dem andern seyn gefind / seyn wercklewte vñ die gemeynen tagloner entzogen / aus dem an zweyuel den vnsern grosser vnrate vñ schaden entstanden / deshalben nott ist / daruor zugedencken / vnd auff das solchs hynfür nicht meher not / vnd eyn yder wyffe / was er seynem gefinde / seinen werckleuten vnd gemeynen arbeytern zu lone geben / des gleichen / das gesynde die wercklewte vnd die gemeyn tagloner was seyn iar / wochen vñ taglone vmb seinen dienst vnd arbeyt sein / das er vñ nicht meher fordern sol.

Darumb orden vnd setzen wir / wie sich alle vnser vndertan / welchs standes / werden ader wesens die sindt / die Keyfige knecht dozffen / vnd haben müssen / mit cleydungen / lone / vñ kein andern yrem gemeinen gefinde / den werckleuten vnd andern gemeinen arbeytern vnd taglonern sal gehalten werden.

Cleydung der Knechte.

Zum ersten / soll nymants / welchs standes werden ader wesens der sey / seyne knechte anders dann in eynlendisch gewant cleyden / ausser hosen kogeln / koller vnd brustletztuch / das magk ein yeder seinen knechten kauffen vnd geben / wie guth er wil.

Marstallern.

Den Marstellern knechtē / den der herre / ader Edelman nach seiner notdurfft schue vnd cleyder gibet / vñ den vmb seins fleyssigen getrewen dienst willen / mit gelde zustewor kommen / vñ des iars zu seyner cleydung etwas geben wil / der sal yme doch des iars nicht mehr / dann der ytzigen newen groschen / ein schock / zwetzig groschen gebē / vñ eynem Erbarn

Erba
aber
cht sel
gelt ge
schog
cht m
geme
auff d
sind s

herren
eyden
andre
fürden
sehet /
geschy
magk
schen
werck
chten
pflucht
ner ko
schen /
grosch
schen /
hirten
de au
nicht

er sey
merm

Erbarne knecht eyn schogk / virtzig groschen / So
aber ein Herre ader Edelman / seinen knechten ni
cht schue vnd cleyder / sunder yhr ydem eyn genant
gelt gebē / so magk er einem Erbarne knechte funff
schogk / vnd einem stalknechte vier schogk / vnd ni
cht meher / der ytzigen newen groschen gebē. Dem
gemeynen gesinde zum ackerwergk / Den Kochin
auff den Hosen vnd Forwergken / vnd ander gesin
de sind zu der vyhezucht.

Erbarne kne
chten.

Zum ersten eynem Schyrmeister der seynem
herren seyne geschyrre zu wagengestellen / pflug vñ
eyden auff drey ader vier pflug wergk machē kan /
andrem gesinde getreulich vorsteet / die zur arbeyt
fürdert vnd anweist / dem herren seynen acker bes
sehet / vnd sust in alleweg getreulich dienet / zu dem
geschyrre zumachen / seyn eygen waffen hat / dem
magk man des iars vier schogk / der ytzigen Bro
schen geben / Eynem grossen knecht / der zum acker
wergk dient / seynen pflugk vnd seinen wagen zur
ichten kan / drey schogk zwentzig groschē / Eynem
pflugk treyber / zwey schogk virtzig groschen / Eyn
ner Kochin / ader Kessmutter eyn schogk virtzig gro
schen / Eynere grassen mayt eyn schogk zwentzig
groschē / Eynere andern mayt eyn schogk zehen gro
schen / Eynere kühemayt eyn schogk / Einē schwein
hirten funffzig groschen / Also sal man das gesin
de auff ein ander iar vnd hinfür alleweg auff's iar
nicht anders myten / noch dem mehr geben .

Schirmey
stern.

Ackerknechten

pflugk trey
bern.

Kochyn.

Kessmutter.

Grossen mayt.

Andern mayt.

Kühmayt.

Schweyn hirt
ten.

Den wergklewten magk man eynem parlirer
er sey Steinmetz / Mewrer / Tischer / ader Lzim
merman / der zum Lzimmern vor sich / seyn eygen
B waffen

Wergklewten.

Parlirer.

Gemeynen
wergtman.

waffen hat / vber die kost / so man yhne an essen vñ
trincken gybet / der ytzigē nawen groschē / in Som
mer tagen / die wochen achtzehen geben / Eynem
gemeinen Steinmetzen / Meurer / Tischer knecht
ader zymmerman / sal man zu der kost vber vrtze
hen Broschen nicht geben / So aber dieselbigen
wergkleute / bey yr eygen kost arbeysten / so sal man
dem parlirer vber sieben vnd zwentzig groschen /
vnd dem gemeinen steinmetzen / mewrer / ader zym
merleuthen / die wochen vber drey vnd zwentzig
groschen nicht geben / Eynem hantreicher / adder
sust andern gemeynen arbeystern / fall man zu der
kost / in Sommertagē newn nawe pfenning ader
achtzehen heller / eynen tag geben / das ist die wo
chen / newn / der ytzigen nawen groschen / So sie
aber bey yhrer eygen kost arbeyste / sal man yhne ses
chtzehen groschen / vnd dar vber nicht geben .

Hantreycher
ader gemeyne
arbeyster.

Feyertag.

Ap eyn heyliger tag in der wochen würde /
der sal den wergkleuten / auch den gemeynen arbei
tern / an yhrem wochelōne nicht schaden / würden
yhr zwen / der eyne sal yhne an yhrem lōne abgehen
der ander fall yhne mit dem wochen lōne vorlont
werden / würden yhr aber drey / so fall man yhnen
die wochen nūr halber vorlonen .

So danne die wergkleute / so sie an der kost
bawen / die den sie bawen / mit der kost vast besch
weren / vnd vngenüßlich seyn / Deshalben yhre
kost / was man yhne zuessen vñ trincken geben sal /
also das dieselben wergkleute wyssen / was yhre
kost vnd tranck seyn fall / vnd an den leuten nicht
meher fordern / vnd darüber dringen / Das auch
eyn ytzlicher

eyn y
vnd d
vnd d
ande
das s
nung
den v
alles
Esse
zwey
ande
ein e
man
ley fi
dem
sal m
sust k
das i
zutri
geme
gebe
acken
diem
der g
gros
cken

dem
dem
bys v
gros
dung

eyn ytzlieher wyffe / das er yhne nicht mehr geben /
vnd das eyner nicht meher / dan der ander gebe /
vnd darmit eyne anderung machen / vñ eyner dem
andern die arbeyter damit entzyhen / So ist nott /
das solchs auch gesetzt werde / vnd ist vnser meys-
nung / Es fall auch von nymands anders gehalt <sup>Kost der wer-
diente .</sup>
den werden / vnd man sal denselben wergkewten
allezeit zu yhem Mittags vnd Abent male / vier
Essen geben / an einem fleysch tag / Ein suppen
zwey fleysch / vñ ein gemüse / Auff einen freytag vñ
ander tag / do man nicht fleysch an isset / ein suppe
ein essen grün ader dürre visch / zwei zugemüse / So
man fasten mus / funff essen eyn suppen / zweyer
ley fish / dürre ader grün / vñ zwey zugemüse Zu
dem morgen vnd abent broth / zwischen den maln
sal man yhne nicht meher dan kess vnd brott / vnd
sust kein gekochte speys gebe / man mag yhne aber
das mittag vnd abentmal / vñ sust vber tag kofent
zutrincken geben / Den handtreichern vnd andern ^{handtreichern .}
gemeinen arbeytern sal man zuessen vñ zutrynckē
geben / als yder seynem gemeynen gesynde / das zu
ackerwergk / vnd des gemeynen viehs zu warten
dient / gibt / Eynem meder der gersten / hafern ad-
der gras hawet / dem sal man einen tag vber drey ^{Medern .}
groschen nicht geben / vnd sal ime zuessen vñ trina-
cken geben / als oben den wergkleutē angezeigt ist.

Was aber gesynde auff dys iar gemiet / was
dem vor lone vorheysen / vnd zugeben gelobet ist /
dem fall man seinen lone / wie yhme das gelobet /
bys vff die zeit / das wyr die ytzigen vnser nauen
groschen / nauen pfenning vnd heller / zuentschey-
dung der silberyn groschen / haben ausgehen lasz

B ij sen /

sen / nach dem silberyn groschen geben vnd vorlo-
nen / vñ danne hynfür die zejt seyns iars ader dinst-
sts aus / wie kurtz ader langk das ist / fall er yhme
alleweg / der ytzigen nauen groschē drey an zweyer
silberyn groschē stadt geben / vñ nicht meher / dar-
mit er yhme sein gelobt lon vorgnugen / das yhme
auch der dienstbottē sal genügen lassen / Also sal es
mit allerhandt arbeyt / in welcherley weyse die ist /
vnd ap die vordinget were / gehalten vnd vorlont
werden .

Straff der iez
nigē / so am lo-
ne nicht wollē
begnugig sein

Sundern wenn die zeit der dinst aus findt / vñ
ytzlicher zu seyner zejt wider gesind / zu seyner not-
durfft mieten wil / ader mus / der sal es alsdan / vñ
nicht tewrer myten / So aber eyn dinst knecht /
frawe / mayt ader wer gkewte / sich an solchem lo-
ne / nach vnser satzung / nicht begnugen / vnd sich
darmitte zuuorgenügē lassen / das wegern / vñ dar-
umb seinem herren / von seinem dinst adder arbeyt
lauffen / der sal in vnsern landen nicht sicherung /
noch geleyte habē / sundern mit schwerer straff sey-
nem herren / seinen dinst auszuhalden / ader seyne
arbeyt so er yme abgedinget / zuuolbringen / vñ si-
ch vnfers gesatzten lons zuhalden / vñ darmit zu-
uorgenugen lassen / Wurd aber ymandts dar yber
aus vnsern landē fluchtig / der sal von vns / vnsern
Amptleuten / vnd allen den vnsern keyn geleyte ge-
wynnē / er hab sich danne mit dem / dem er von sey-
nem dinst ader arbeyt entlauffen / genügliehen vor-
tragen / Darauff sollen alle vnserē Amptleute /
die Prelaten / Brauen / Herren / Ritterschafft / vñ
Stette / die gezwangē vnd gerichts hülff haben /
So sie ader die yren darumb angeruffen würden /
ane alles vorzihen gestrenglichen hülff thun las-
sen / vff

Implozatio
potestatis.

sen/ vff das vnser satzung / in dem nicht abbruch
gesche/ sunder der ernstlichen vñ getreulichen nas
ch gegangen werde.

Es fall vber diese ordnung vnd satzung des
gesind lones/ den wergkleuten vnd vordingern /
vnd gemeynen arbeytern nymannts mehr geloben
nach geben/ durch keyne weyse/ list/ ader vmbsten
digkhey/ wie die funden ader erdacht mochte wer
den/ Sundern weniger magk eyn yeder wol geben
ab er das/ an seynen dienstpotten/ wergkleuten/ vñ
arbeytern gehalten mag/ So aber yemants in den
sachen brüchig erfündig / die mit meher geloben/
vnd gebung yberfahren / vnd nicht gehalten / der
dann das gethane/ der fall seynem herren vor eyn
groschen/ den er mehr gegeben/ eynen gulden geben
Vnd der dienstbotte wergkman ader gemeynen ar
beyter/ der das enphanen/ Sal alsdann/ dem sel
ben herren sein iar lone/ ader das / darumb er ar
beyt zuthun vordinget/ sein wochen ader taglone/
wie er zu dem dienst ader arbeyt versprochen vnd
vorbunden were/ verloren haben.

Weniger aber
nit meher mag
man geben.

Straff der iet
nigen / so meh
er gegeben.

Item des/ der
meher genom
men.

So aber ymants / wer der ader dye weren/ Ite deren / so
solch straff nicht tetten/ nach nemen / So wollen nicht straffen.
wir die vnser Amptleute eyn nemē lassen/ vñ den/
der die nicht genommē hat/ selbst in vnser vngnas
de vnd schwere straffe nemen.

Es fall nyemandt dem andern seyn gemyet Eyns sal dem
vñ gebröt gesinde auffnemen nach vorenthalten/ andern sein ge
bey vorneydung schwerer straffe / Wenn eyn ge sinde nicht ab
sinde aus gedienet hat / es sey eyn knecht / frawe Das keyn ge
mayt iungk ader alt/ das zu dienst geschickt ist/ vnd sinde ane dienst
bleyben fall.

B iij wyder

Das Feyn ge-
sinde ane dinst
bleyben sal.
wyder dienen müsse / vnd sich nach dem tag / als er
ader sie von yrem vorigen hern / dem er ader sie ges-
dient abgescheyden ist / vor zwelfftagen nicht wys-
der vormyt / vñ an dinst gezogen ist / der ader die /
fall vns so viel als er ader sie / das iar vmb gedint
hat / vorfallen seyn / das von vnsern Amptleuten
gestrenglich sal genommen werden.

Das dinst fall
man auff sage.
Es salt sich Feyn dinstpotte an Feynem dinst
vormyten / er hab dann zuuor seinem Herren ader
Juncthern dinst auff gesagt / bey vollung seins
iar lons.

Botten lohn.
Eynem botten sal man ym landt von eyner
meyln wegs hyn vñ herwider zulauffen / acht naw
pfenning zu lone geben.

Vnordnung
in: Kost/trangt
Kleydung.
Vnd als von den Prelaten / Brauen / Herrn
der Ritterschafft den Stetten / vnd von dem ges-
pawerszman in vnsern lande / an kost vnd tranck /
auch an cleydung gros vnd vnordentlich vorthun
gewest / vnd ytz ist / das den vnsern gantz zuuor
derbē dient / Nachdem es gantz in ein vnordnung
komen ist / denn so etzlicher vnter dem Adel / auch
in Stetten durch die gnade Bots seynen fleys vnd
fürsichtigkeyt zu narung vnd vormögen komen da
durch er vor eynen Edelman gehalten / ader sust
seyns guts halben hervorgezogen vnd geert wirt /
sich der narung vnd grösser kostung halben / seyn
weyp vnd kynde wol gehalten / vnd seyn kynd zu
ern vnd hohen standen gefürdern / so dann ein an-
der das sibet / der villeicht seins herkomens stam-
des vnd wesens viel Edler vnd besser were / alleyn
das er seins guts halben das nicht vormagt / vnd
darumb do hynden stehen vnd bleyben mus / der
wirt

wirt d
cleyd
ren/vi
das er
fort h
vnd n
das so
weyse
in den
stung
nicht z
kome
le vnse
sens d
schloss
fft/vb
Essen
Desg
vñ zw
den w
Essen
in wir
ader d
botsch
acht/
nerley
geben
schaff
tische
essen
Werg

wirt dann auch beweget / vnd wil dem mit kost vñ
cleydung vñ andern / der das wol hatt / nach fah
ren / vnd legt dann darauff mehr dan er vormagk /
das er auch gesehen / vñ seynen kyndern darmitte
fort helffen wolt / der kompt seyn dan zu schaden
vnd mus dadurch verderben / Darumb ist nott /
das solchs auch vorkomen / vnd auff ein zimliche
weyse bracht werde / also / die vnter dem adel / vnd
in den stedten / einer bey dem andern / solch ko
stung vnd cleydung ausgerichten / vnd des halben
nicht zu schimpff werden / vñ zu grösserm schaden
komen dürffen.

So orden vñ setzen wir / das nwe hynfür als
le vnser vnderthan / welchs stands wurden vñ we
sens die sind / auch was geste eyner hette / ausge
schlossen fürsten / ader redlicher fürsten botscha
fft / vber seynen tisch des morgēs nicht vber sechs
Essen / vnd den abent vber funff Essen haben /
Desgleichen nicht meher / dann zweyerley weyn
vñ zweyerley bier geben / wer das vberfaren erfun
den würd / der fall seyner herschafft von ytzlichem
Essen zehen gulden vorfallē seyn / ausgeschlossen
in wirtschafften / als Hochzeyte / Ersten messen /
ader das er fürsten / ader ausländischer fürsten
botschafften hette / so magk er auff den morgen
acht / vñ auff den abent sieben essen geben / vnd ey
nerley trincken / mehr / ab er das zugeben hat / ader
geben wyll.

In den mergklichen Stetten fall keyn wirt
schafft gehaldē werden / do man leuth vber sechs
tischen zu hat / vnd das man den vber drey mal zu
essen gebe / In den cleynen vnd offen Stedten /
Mergkten vnd Dörffern / fall nymants tzu key
ner wirt

Wie vill essen/
vnd getrencke
den gesten tzu
geben sey.

pena.
Essen vñ trink
cken vñ wirts
schafften.

Wie viel geste
zu den wirtsch
afften in stette
man setze mag
vnd wie vill
essen zugeben.

ner wirtschafft / Es sey zu ausgaben / zu hochtzeyt
tagen / dann zu vier tischen / volg / haben / vnd das
den selbigen allen / zu der ausgabe / vnd auff dem
hochzeyt tage / nicht meher / dan auff zweymal /
ader auff's allermeyst drey mall zu essen gebē werd
vnd nicht meher / vnd zu solchen malseyten / fall
man nicht meher / dann auff den morgen funff /
vnd auff den abent / vier essen geben.

Kirmessen.

Zu den Kirmessen / fall keyn Bürger / adder
Bawersman vber funffzehen persone / zugast ha-
ben / den auch nicht meher / dann zweymall zuessen
geben / Auff den morgen funff / vñ auff den abent
vier mit den zumüsen.

**Tawffen.
Kirchgangk.
Sechswochen**

Es fall auch zu den hochzeyten / vnd Kirmes-
sen / zu dem essen / nyemandts vngebeten gehen / no-
ch essen gegeben werden / bey den penen / vorbes-
stympt / zu Tawffen / Kirchgangen / vnd inn den
Dörffern nymandts / mit dem andern / keyn kost
thun.

**Das an den
feyer tagen
vor der messe
ader darunder
nyemandts in
die Kretzsch-
mar gehen.**

Item es fall in den Stedten / nymandts wider
Manne noch weyp / nach hantwercker / aufgesch-
lossen geste ader wanderlewte / am heyligen tage /
der von der heyligen kirchen / zu feyern geboten ist
in Schengkhwesern / Kretzschmer / ader Tafers-
nen / darinne zu trincken / ader zu zeren ehir / dann
die Messen der Ampt aus syndt / gehen / Wo das
aber / von ymandts vberfaren / vnd des vorbruchs
lich erfunden / der fall dem Rathe in der Stadt /
do solchs geschehen ist / In den Dörffern / dem
Herren / dem der Kretzschmar ader Tafers
het / eyn

het/eyn schogk groschen vorfallen seyn/Des gley-
chen der Schengk ader Kretschmar/in des haws
es / mit seynes weybs vnd gefinds willen gescheen
ist/auch voruallen seyn.

Es fall auch in den Stedten vnd Dörffern
am wergtage/kein eynwoner noch handtwerckts
gefelle/der sich zu dinst / ader zu arbeyten vordin-
get/vnd nicht ledigk/vñ frey ist/zu der zeche in eyn
Schengkhaws/ Kretschmar/ader Lafern gehen
bey vorlyfung obgesatzter pene.

Das kein dinst
vorwarter am
wercktage zu
zeche gehen.

Es fall auch nymandts was stands werden
ader wesens der sey/ an keynem end / mit dem an-
dern/ wieder zu halben / noch zu follen trincken /
noch durch keyn wort/ader weyse/wie die darzw
erdacht möcht werden/einer den andern zu sölich-
em/ader andern vngewönlichem/vñ vnbequemē
trincken reysen/Wer aber hirinne bruchenlich er-
funden/der sal seyner Herschafft zehen gulden vor-
fallen sein/Des gleichen der wirt/in des haus es/
mit seinem willen vñ vorhengknus geschicht/auch
zehen gulden vorfallen seyn.

Das nymants
zu halbē ader
vollen trinckē
adder eyn an-
dern nöthigen
solle.

Es sal auch/Keyn wein/ noch bierschengke/
Kretschmar ader Laferner/Manne ader frawē/
die haws vñ höffe haben/nach yre gesynde/adder
ledigen volcke/vber eyn orth eins gulden borgen/
er vorkawffet es dann/mit gantzen vassen/aufge-
schlossen von Sandt Johānes tag/bis auff sandt
Michaelis tagt/So mag er einem ytzlichen haus
wirt/vor ein gulde borgen/so dar wider gethane/
So fall der/dem geborgt wirt/nicht schuldig seyn
subezalen/vñ der vorborget hette/solt als dan sei-

In der zechen
adder sust inn
Kretschmar/
fall man nicht
vber eyn ort
vorborgen.
Excepto a fe-
sto Joh. bap.
vsq; ad Mich-
aelis.

L ner Herz

ner Herschafft / voritzlichen pfennig / den er vber
die satzung vorborget hette / drey pfennig zu buse
vorfallen sein.

*Müssigk gen/
ger solle vber
drey nacht nit
geherberget
werden.*

Es sall keyn schengk / kretschmer ader *Laz*
ferner / keinem müssigk geher / der seins müssigk ge
hens / nicht Erbar sachen hette / vber drey nacht
herbergen / wo aber einer befundē / der vorsetzlich /
aus einem schengkhaws / in das ander ginge / vnd
wolt sich seins vornehmēs vñ wesens / do mit ent
halden / vñ nicht zu dienst geben / adder den lewten
sust vmb yre gelt arbeyten / den sal man zuhanden
nehmen / vñ seinen handel / von yme erlernen / vñ so
man den streflich findet / sal man yne / als sichs sei
ner vorhandlung gehört / straffen / Vnd der wirt /
der yne vber die gesatzte zeit / mit seinem wyssen ge
herbergt / Sall seyner herschafft / ein schogk vorfal
len seyn.

Gemeine bier.

Als in den stedten vñ dörffern gewonheyt ist /
das die gemeynen / viel mal im iare gemeyne bier /
trincken / vñ mit solchem trincken viel vorzeren / vñ
yre narung vorseumen / das mancher darüber vor
terben muss / Darumb wollen wir solchs / nicht
mehr gestatten / Sondern orden vñ setzen / das die
gemeynen bier / in stedten / mergkten vñ dörffern /
nicht meher / dann zu Weyhenachten / zu Fastn
cht / zu Pfingsten / vñ von den ynnungen in stetten
auffs heyligen leichnams tagk / sollen getruncken
werden / doch das zu keynerzeit / in solch gemein
bier / mer dan auff zwentzig person / die in der zech
sind / vñ darzu gelden / ein vhas biers sal getrun
cken werdē / vñ was ein ygliche gemeine / in eynem
dorff vber iare / nach yrer wilkōre / ader nach alder
gewonheyt / ader aus vorgunst yrer herschafft zw
büßen

*Weynachten
Fastnachten
Pfingsten / ge
meyn bier.*

büssen hetten/vñ büßen würden / das sollen sie als
les zu hauffe halden / vnd auff die drey gezeytten /
vortrincken / vñ was sie an solchen yren gemeynen
büßen / ader von andern yrem gemeynen gute het-
ten / vñ von dem gemeynen trincken eröbern / das
sollen sie / zu ander yrer gemeinen nützung / vñ sun-
derlich zu gewere / als harnasch vñ geschosse / das
sy dann nach rate yrer herschafft / an solch dingk
legē / vñ das ierlich darmit bessern / so das anders
gehalden / vñ solch vnser ordnung vñ satzung vber
faren / so solt dieselbe dorffschafft vñ gemeyne yri
Zern / vnd vnsern Amptleuten zehen schogk vors
fallen seyn.

Vnd als die cleydung / vñ der geschmucke vñ ^{Kleydung vñ}
ter der Ritterschafft vñ in den Stedten / an fraw ^{geschmuck.}
en iungkfrawen vñ mannen / fast gross vñ köstlich
worden / dardurch die von der Ritterschafft / auch
die in stedten / des die leng nicht zukomen / vñ dar-
umb vorderben müsten / als wir besorgen / von vie-
len gereyt gescheen / Deshalben gar nott / ein orde-
nung / vñ satzung zuthun ist / vff das eins bey dem
andern / hinkomen / vñ der vbermessigē kostlicheyt
nymandts hinhynder gedrugkt werde / Darumb
wollen orden vñ setzen wir / das nue hinfür / vnder
der Ritterschafft / keyn ifrawe noch iungkfrawe /
keyn cleyt fall machen lassen vñ tragen / das yr vber ^{Frawen vnd}
zwen ellen lang / auff der erden nach gehet. ^{Jungkfrawen}
^{Kleydung vñ}
^{der der Ritter}
^{schafft.}

Es sal auch keyne meher / dann eynen seyden
rogk / vñ zwen rocke do gestickt auff ist / als an Ers-
meln vñ halben brust / mit dem Koller / vñ brust les-
tzen / vñ auff allermeyst eyne gantze brust / vñ sust
keynen gestickten rock nicht / ader zwen seyden / vñ

L ij eynen

einen gestickten rogt / auff ein malh haben / vñ das
derselbigen keyner / vber anderthalbhundert gul-
den wert were / Auch nicht mehr / dann eine seydes
ne schawbe / Sust mag sie von gewandt / Scham-
lott / Zyndell / vñ Narras röcke vnd schawben / so
viel sie vormagt / machen lassen vnd tragen wie sie
will.

Es sall keyne Ifrawe ader iungkfrawe / vber
ein geschmugke spane tragen / yr hewpt mogen sie
mit den reinischen heffeln vnd krentzen schmückē
als das herkomen / vñ ein ytztliche zuthun vormag.

Es sal keine dinst iungkfraw / vber zwen röcke
von guthem tuch tragen / vnd kein span auff dem
hewpt / noch sust tragen.

Rittermessigē
mans Fleydug

Es sall keyn Rittermessigē Man / der auch
Ritter vnd vnser Rath ist / nue hynfür / auffeyn
malh / vber zwo seyden schawben / noch sust keyn
cleyt an die schawbē / das vber virtzig gulden wert
ist / machē lassen vñ tragē / wo er aber nicht schaw-
ben hette / so möcht er an der schawbē stadt / tzwey
cleyt machen lassen / vñ haben / das ytztlichs besser /
dann virtzig gulden wert weren.

Edellewte .

Es sall kein Edelman der nicht Ritter / noch
vnser Räte ist / nicht meher / dann ein seyden sch-
awbē / ader ein cleyt / das vber virtzig gulden wert
ist / haben.

Bürgere .

Es sall kein Bürger in keiner stadt / in vnsern
landen / keyn seyden cleyt / ane Jopen / die magt er
wol tragen / Vnd die in den mergklichen Stetten /
in den Ketten sindt / die mügen von außsledischem
gewand / so viel sie wöllen / cleyder machen lassen /
Doch

Doc
drey
cht i
von
habe
mach

ch ne
trage
des g
Loo
fraw
gen/
besse

Stee
dary
schlo
Rete
nung
haff
dari

chen
Atla
schen
nem
vnd
eyne
tuch

Doch das yr keiner/ein cleit habe/das meher daff
dreyssig gulden kost/ ader wert sey/ Aber die ni
cht inn Ketten sindt / Sall Keyner vber zwey Kleydt
von außslendischem tuch haben/wil er der meher
haben / die magt er von dem eynlendischen tuch
machen lassen/so viel er wil.

Es sall auch Keyn Bürger/wider schnüre na
ch nete/ader anders von vntzen golde / vnd silber Vntzen goldt.
Silber.
tragen/ was den Damen zu tragen erlobet ist /
des gleichen vnd nicht meher /sall seyn weip vnd
Töchter tragē /Doch so magt ein ytzliche Jungk
fraw vnd fraw hawpt geschmücke haben vñ tra
gen/der dann dreyssig gulden wert ist /vnd nicht
besser.

Redliche Kawff lewte /in den namhaftigen Kawff lewte
vnd Adel aus
geschlossen.
Stedten /vnd ab yemants von der Ritterschafft/
darinnen wonten/die wollen wir darmit /ausge
schlossen haben/Also das sich dieselbigen/den in
Ketten gleich cleyden mögen/mit dieser vnser orde
nung/sal kein gast/der in vnsern landē nicht won
haftigk ist /ligend grund / ader sust eygenthum / Item geste.
darinnen hat / vorbunden sein.

Vor seyden gewandt sal nichts anders gere
chent werden /dann Sammet / Tamaschken / Was vor sey
den gewandt
soll gerechent
werden.
Atlass/ Tobyn / vnd was man vber eynen reyni
schen gulden Kewffen mus/ Scharlach sall seyde
nem gewande gleych geacht werden/Schamloth
vnd seyden tuch/wie das heysset / das man vnter
eynem gulden Kewfft/magt dem außslendischem
tuch gleych getragen werden.

L iij Die in

Die in kleynen vff den Dörffern/do soll nymandts keyn frembde
stedten. tuch tragen / Sunder in welchen kleynen Stetten
bestettigt Rete sindt /magt yglicher eyn cleydt ha-
ben vnd tragen /von außslendischem tuch / Doch
das es nicht / vber zwelff gulden werdt ist / Des
gleychen / fall es mit yren weybern vnd Töchtern
auch gehalten werden.

Es soll aber keyne Jungkfraw /ader Frawe
auff dem hewpt / vnd sust zuuorauß keynen sch-
muck. mugt tragen /der vber zwelff gulden wert ist / Dar-
zu sal keyn Bürgeryn /in keiner stadt /sie sein groß
Schleyer der ader kleyn /keynen / sinenwoffyn / noch keynerley
weyber. leynwant tragen / die außslendisch ist /der man
nicht vier elen vor eyn gulden gekewffen kan / auß-
geschlossen /in den mergklichen Stedten /der wey-
ber /die in den Reten sindt / ader mergklicher vnd
vormöglicher Kawfflewte /ader ander mergklicher
hendeler /vñ Amptlewte weyber / die mögen synen-
woffin / ader ander gute leynwat / zu schleyern als
leyn tragen / Zu ermeln ader sust nicht besser / daß
vier elen vor ein gulden / Die andern /der Denner
nicht im Räte nach redliche vñ vormögliche Kawff-
lewte sindt /die sollen nicht besser schleyer tragen /
dann von der leynwant / der man vier elen vor eyn-
nen gulden kewfft / ader zu Ermeln vñ ander not-
durfft / sollen sie nichts /dann eynlendisch leyn-
wandt tragen.

Die frawen in den cleynen Stedten vñ mergk-
ten /der Denner in Reten sindt /die möge schleyer
von leynwandt tragen / der man vier Ellen vmb
eynen

eynen gulden kewfft / Aber die andern frawen /
der Menner nicht im Rathe sindt / die sollen tzu
schleyeren vnd sust keyn ander leynwant / dan ein
lendische tragen .

Die frawen / iungtfrawen / vnd meyde / die in
den merglichen vñ namhaftigen Stetten dienen / ^{Dienstinneyde}
vnd die handtwerckts knecht / mögen sich halten / ^{ader frawen.}
als der gemeynen Bürger frawen / vnd Bürger /
Die aber in den kleynen Stedten vnd Mergkten
dienen / Die mügen sich auch halten / als sich der
gemeyne man vnd yhre weyber darhalten .

Keyn pawer / ader pawers knecht / vnd pewer
ryn / yhr diener vnd dieneryn / sollen keynerhandt ^{pawer / pawers}
seyden / dann tzu Brauthawben / vnd auch keyn ^{knecht / pewer}
auslendisch gewandt vñ leynwandt tragen . ^{ryn / vnd yhre}
^{diener.}

Wir wollen hirmitte nymants seyne cleyder /
die er vor hat / zutragen verbieten / dann das nro
hynfür nymands sall zeugen / vnd machen lassen /
noch tragen / das dieser vnser gesatzten ordenung
wider ist .

Wollen auch mit dieser vnser Ordnung /
nicht auff heben / nach einigerley erleubnus thun /
das in eyner / ader meher Stedten / in den gesetzen
der cleydung / geschmücke vnd wirtschafften / gas
ftung vnd ander quefferey halben / vorhyn einiche
satzung vnd ordenung gemacht / ader in kunfft
gen getzeytten gemacht würden / Die durch vnser
eldern / ader vns bestettigt weren ader würde / do
ch das dieselbigen dieser vnser ordenung vnd satz
ung in keynen wege ybertretten vnd abbruch thun .
Des meltzen

Meltzen.
Brawen.
Handtwercks
lewt.

Des Meltzen/Brawens vñ der handtwercks
lewt halben/Das etlich Prelaten vnd in der Rits
terschafft/sich auff den Karwffe zumachen lassen/
angenohmen / vnd dye handtwercker / auff den
Dörffern halten/vnd den Stedten yhren handel
vnd narung / darmit entzogen/vnd die eynwoner
der Stedte / dardurch zuuorerblichem schaden
bracht / wo das nicht vorkomen / so würden vns
die Stedte in die lenge vorwüst / das vns / vnsern
nachkomen/vnd dem fürstlichen wesen/auch den
landen an sich selbst nicht leydenlich.

Darumb orden vnd setzen wir / aus vnser
Fürstlichen macht vnd gewalt / das nwe hynfür
nymandts / welchs stands würde ader wesens die
seyn / inn seynem hawse / adder sust in den Dörff
fern / auff seynen gerichtten vnd güetern / durch
die seynen/adder ander/durch welche weyse/das
zukomen/adder erdacht möcht werden / das yme
zustände / ader in eyniche weyse zu gute komen/
anders dann er vor seyn haws baldung nordürff
tigk ist / vnd nicht auff den Karwff brawen sall/
Darzu keynen Kretschmer / der nicht vor eynen
Erbkretschmer ausgesatzt ist/ vnd wurden/auff
yhme hat/darumb yhme solcher handel zutreyben
zugelassen / Ader die sollich brawen vnd meltzen/
vber menschen gedenccken/vñ vorwertte zeit rechts
lichen herbracht haben brawen lassen / Vnd dye
Erbkretschmar / ader die wie vor solch meltzen
vnde brawen recht gehapt / vnd gewonnen / nicht
anders eher nach lenger brawen lassen / dann die
Stedte/bey den sie am nechsten gelegen / anheben/
vnd auff hören / Wan die selbigen Stedte / bey
den sie

Brawen.

den sie gelegen / zubrawen anheben / So mögen
sie alsdann zu brawen auch anheben / vnd wann
die Stedt auff hören / das sie alsdan auch auff
hören / vnnnd keynen tagt darnach lenger brawen
sollen / vnd was sie in solcher zeyt brawen / das sie
alsdann das nyndert anders / an dem guten bier /
dann inn yhrem haws von dem zappen / mit dem
kannen masse ausschenccken / Den kofent ader ge-
ringe trincken / vnd treber mügen sie yhren nach-
gebawrn / was sie des selber nicht bedörfften / wol
vorkewffen / vnd das er den selbigen seynen vnder-
thanen / tzu solchen yhren gebrewden / Auch an
gebewde / auff yhren güttern / keyn hülff noch för-
derung thun / dardurch yhr eyner viel biers ge-
brawen / bey sich eyngelegen / vnd yhme desshal-
ben / durch ader von dem selbigen seynem kretzs-
mar / desselbigen brawenshalben / keynen sunder-
lichen nutz tziehen / wie der erdacht möcht wer-
den / mehr dann von altherber / auff dasselbige
Schenckhaws des Brawen vnd Meltzens hal-
ben gesetzt vnd herkomen were.

Ob aber eynliche Prelaten / Ritter ader Rite-
termesigk man / sich diese zeyt her / mit bier ybers-
legt / mehr dann er zu seyner notdurfft vnd haws-
haldung bedorfft / vnd das an seyn mergklichen
schaden / seyner hawshaldung vnd notdurfft nis-
cht behalden / der magt alsdan / dasselbe bier /
domit er sich vberleget / diesen Sommer langk /
seynen kretzschmerzen vorkewffen / vnd vmb das
gelt auß schengken lassen / Vnd dann hynfür /
solchs vber dyese vnser satzung / bey vorliesung
seyner

D

seyner lehen/ dorauß solchs geübet/würde nicht
meher thun.

Lein weber.
Schmidt

Es fall auch nymandts /welchs standes /
wirden adder wesens der sey/ auff keynem Dörff
fe/das darauff sunderlich nicht gefreyhet ist/Key
nen handtwergks Man setzen tzu hawss seyn /
noch seyn handtwergk keynen tagt do treyben las
sen / Anders dann inn eynem ytzlichen Dörffe /
das den Stedten vber eyn vrtel wegs/entlegen/
do magt mann tzu gemeynen nutz/den armen lew
ten zu gute /eynen Schmidt/vnd eynen Leinwe
ber/der doch nicht anders/dann den armen lew
ten/vmb yhren lon vnd grop dinge / zu yhrer notz
durfft arbeyt/haben/Welcher dörffs herre/das
mit wyssen anders vorhieng/der fall darumb in
ynsere vngnade vnd straffe/vnd die gemeynde des
Dörffs /so offte das von yne vorbrochen erfahren
würd /dem nechsten vnserm Amptman do bey/ze
hen Reinish gulden tzu büsse vorfallen seyn.

Dann wir seyn nicht schuldigk / eynem Manne
addereyner Dörffschafft zu zulassen /das eyner
gantzen Stadt/auch dem Fürstlichen wesen schas
den vnd abbruch thut.

So die vnder
thanen vnder
eynen andern
herren zihen.

Begebe sichs auch / das yrgent eyn vnder
thane eynen andern Herren adder Juncfern su
chen / der fall von seynem Herren /vnter dem er
gessen gewest /vnd von yhme zyhen / eyn kundt
schafft/das ehr gütlich von yhme gescheyden ist/
brennen / Vnd so er die nicht brengen könt / So
fall er suß vrsachen vorbringen / das er yhme sol
che kundts

che Kundtschafft vnbilllich zugeben gewegert.

Es soll nyemandts keynen Mörder / anders
dann / zu recht geleyten / yhne auch nicht hawssen
noch enthalden / vnd sunst keyne fürderung noch
vorschup thun / Sundern wo der vornomen / das
sich eyn yeder zu yhne halden / den annehmen / vñ
getrewlich fürdern / das er gerechtfertigt / vñ ges
strafft wirt / wy sich das gehört.

Mörder soll
man nicht ge
leytē noch hals
ten.

Vnd als bissher eyn gewonheyt gewest / das
ein ytzlicher / der eynen todtschlagē zu fordern ges
hapt / adder der gleichen peinlichen sachen / Das
er sich dann / mit viel lewten tzu solcher gerichtts
vorderung beladen / vnd grosse vnnütze kost ges
than / das dann gantz zu nicht dient / vñ viel sched
lich ist.

Darumb wollen wir solchs / hynfür / nicht ge
hapt haben / Orden vnd setzen / das nu hynfür zu
solcher förderung / nyemandts vber vier person für
ren / noch bey yhne haben sal / zu den vnd vber die /
der er zum rechten notdürfftigē ist / vñ mit densel
bigen / keyn andere zerung / dan so viel sie der not
durfft halben / nicht vberig geseyn konnē / Würde
sich aber ymandts vntersteen / vnd zu seyner forde
rung mehr lewt führen / mit den ader sust vnnütze
kost vñ zerung thun / die soll yhm von den tettern /
ader antwortter / so die sache gericht / nicht gelegt /
Sundern fall die selbs bezalen.

Wenn man ei
nen totschlagē
fordert / soll
man nicht viel
lewte führen.

Es soll von nyemandts / was stands / wir
den / ader

Jagt.

D ij

den / adder wesens / der adder die sündt / nwe hyn
für / von fastnacht an bis auff Pffingsten / keyner
ley wiltpret / Hasen / Hüner / vnd Wachteln / byß
auff Sandt Lorentzen tagt / nicht geiaget / gestelt
vnd gefangen / Darzu sall vber Jar / keyn hwen /
mit dem tuch / adder der kurwe gefangen werden /
Wer das vberfaren erfunden würde / der sall dem
der yhne dar vber betriß / adder das sust auff yne
weist / eyn lagel Reynfall zu büß gebē / so offt das
geschicht / vnd darzu inn vnser sunderlich straff
gefallen seyn.

*Tewre zering
in den herber
gen.* Vnd als eyne grosse clage ist / das in vnsern
landen bey gutter zeyt / in den Herbergen vber die
masse tewre zering ist / vnd das mancher Wirt /
an eynem Scheffell hafern / vber zehen groschen
gewynnet / zu Leyptzigk vber firtzehen ader funff
zehen / Desgleichen an Stroe vnd Haw / wo das
also were / als wir des bericht sündt / vnd das sor
ge haben / So were es ye zu viel.

Darumb so wollen wir gehapt haben / Or
den vnd setzen / das nw hynfür / eyn Rathe eyner
ytzlichen Stadt / darauff eyn auffsehen haben /
vnd alle virtell iars / den Bastgeben / eyn satzung
thun / wie eyn ytzlicher seynen gesten / eyn Maltzeit
auch Hafer vñ Rauchfutter geben sall / do er sey
nen gesten vier adder funff Essen vnd bier zutrins
cken darzu gibet / ader an getrencke / vnd was er
an eynem Scheffell hafern / Desgleichen an stroe
vnd haw gewynnen / sall / als sie das tzuallerzeyt /
woll erkennen vnd abgenehmen können / wie sie
die kost

die Post / auch das Futter tzu sich brengen vnd erzewgen können / vnd es also setzen / das der wirt / seyn geberde / seyn bettegewant / gesynde / vnd anders / das er der gesthalben darumb haben / vnd halden muß / vnd vor seyne sorge / abentwer / vñ mühe / eynen zymlichen gewin habe / als sie das alletzeyt woll zubedengken / vnd zutreffen haben / vnd darynne nichts nachgelassen.

Vff das solch vnser Ordnung / vñ satzung ^{hantthabung} ^{diser Ordnung.} inn allen vnsern landen / auffrichtigt / stete / vñ heste / vnd vnnorbroschenlich gehalten werde / So orden setzen / vñ gepieten wir / allen vnsern vndertanen / welchs stands / wurde ader wesens die sindt / das sie alle / vñ eyn ytzlicher inn seinē gericht / gepiete / vnd Ampt darob sein / das solch vnser Ordnung vnd gesetze in allen stucken / stete / vñ heste / vnd vnnorbroschenlich gehalten / vñ das darynne zu keyser tzeit / nicht nachgelassen werde / Dann wo wir erfüren / das von den Prelaten / Brauen / herren / Ritterschafft vnd den Stedten / in yhren herrenschafften vnd gepieten solchs voracht vbersehen vñ nicht gestrafft / So wollen wir die dinge selbs straffen / vnd den der es vbersehen / vnd nicht hat straffen wollen / vor den ansehen vñ halden / der vns voracht / vnser Ordnung vñ satzung / auch dem fürstlichen wesen / vnd aller vnser Oberkeyt / gedecht abbruch zuthun / vñ yhne vor vnsern wiederwerttigen halden / vnd dermassen in vnser straffe nehmen / vñ zugedechnis diese vnser ordnung vnd satzung auff pergemen schreyben / vnd vnser Maiestadt Sigell / daran hengen lassen / vnd

der ytzlichem
D ij

hyn
yners
byß
estelt
ven/
den/
dem
fyne
das
traff


infern
er die
Dirt/
schen
unff
das
sors

Dr
eyner
ben /
zung
ltzeit
r sey
trins
as er
stroe
seyt /
ie sie
kost

der ytzlichem vnserm lande / eyne gegebē / zu dem /
das wirs allen Prelaten / Brauen / Herren / der
Ritterschafft / den Steten / vnd vnsern Amptleu-
ten als das herkomen / vnd den wir in andern sa-
chen zuschreiben pflegen vnter vnserm Hertzogen
Ernst pitschier / des wir Hertzog Albrecht hirs
zu / mit gebrawchen / zugeschickt haben. Heben zu
Dresden / am Montage nach Quasimodogeniti.
Anno dñi. M. cccc. lxxxij.

em/
der
lex
n sas
gen
hirs
n zu
niti.

[Faint, illegible text, likely bleed-through from the reverse side of the page]



D







11 3
Von der
... ..

1046








Ob Fak.?

in 1482 f. am Ende

31

**Widening so Her-
zogk Ernst Chur-
furst vñ hertzog Albrecht tzu
Sachsen gebruder ꝛc. von
wegen mächerley nehre**



iffen Blue
ren yhre

an sunst
auch das
die Jho
ernemb
/ Auch

die Jst
s hab er
icht wol
eschehen
en / zum

strenger
en. Vnd
t/einem
ligend)
vest/das

/ Das er
sey gut

n streng
rag des